

【止止不須說】

（科註第六七四頁第三行）

《佛學大辭典》：（雜語）佛於迹門法華（法華經之前十四品，名為迹門）止舍利弗請之語。

法華經方便品曰：「止止不須說，我法妙難思，諸增上慢者，聞必不敬信。」（增上慢：言我得增上之法而起慢心也。如未得聖道，謂為已得是也。五千增上慢：釋尊將說法華時，懷增上慢之心者有五千人，言我等已證妙果，何要聞法華，各立座而去。法華經方便品曰：「說此語時，會中有比丘比丘尼優婆塞優婆夷五千人等，即從座立，禮佛而退。」）

《佛學大辭典》「三止三請」條：（故事）

法華經方便品之初，先讚嘆如來之二智（實智與權智），以諸法實相為甚深微妙，欲說而止，次舍利弗代眾請說之。如此佛與舍利弗交互各三止三請，佛遂容第三請，廣說妙法。謂之三止三請。